

मि॒त्र॒इन्द्रः॑ पु॒जाप॑तिर्द॒शद॒शाप॒ एका॑द॒श वि॒श्वेब्र॑ह्म
द॒शद॒श वि॒ष्णुस्त्रयो॑द॒श वस॑व इन्द्रोऽजोऽहिर्वै बु॒ध्नियः॑
पू॒षाऽश्विनौ॑ य॒मो द॒शद॒शमावा॑स्याया अ॒ष्टौ पञ्च॑द॒श ॥
अनु० ५ ॥

षष्ठोऽनुवाकः ।

च॒न्द्रमा॒ वा अ॑कामयत । अ॒हो॒रा॒त्रान॑र्द्धमा॒सान्मा॒-
सा॒नृ॒तून्त्सं॑वत्सरमा॒ह्वा । च॒न्द्रम॑सः सायु॒ज्यः स॒लो॒क॒-
ता॒माप्नु॑यामि॒ति । स ए॒तं च॒न्द्रम॑से प्रती॒दृश्या॑यै पु॒रो॒-
डा॒शं पञ्च॑द॒शक॑पालं नि॒र॒व॒पत् । ततो॒ वै सोऽहो॑रा॒त्रा॒-
न॑र्द्धमा॒सान्मा॒सा॒नृ॒तून्त्सं॑वत्सरमा॒ह्वा । च॒न्द्रम॑सः सा॒-
यु॒ज्यः स॒लो॒क॒ता॒माप्नो॑त् । अ॒हो॒रा॒त्रान् ह॒ वा अ॑र्द्धमा॒-
सा॒न्मा॒सा॒नृ॒तून्त्सं॑वत्सरमा॒ह्वा । च॒न्द्रम॑सः सायु॒ज्यः
स॒लो॒क॒ता॒माप्नो॑ति । य ए॒तेन॑ ह॒विषा॑ य॒ज॒ते । यउ॑चै॒-
नदे॒वं व॑द । सोऽत्र जुहोति । च॒न्द्रम॑से स्वाहा प्रती॒दृ॒-
श्या॑यै स्वाहा । अ॒हो॒रा॒त्रेभ्यः॑ स्वाहा॒र्द्धमा॑सेभ्यः स्वाहा ।
मा॑सेभ्यः स्वाह॒र्त्तु॑भ्यः स्वाहा । सं॒व॒त्स॒राय॑ स्वाहेति ॥
॥ १ ॥

अ॒हो॒रा॒त्रे वा अ॑कामयेताम् । अत्य॑हो॒रा॒त्रे मु॑च्येवहि ।